

Meeqqat Oqaaseqartartuat aamma Meeqqat pillugit Siunnersuisoqatigiit pillugit Inatsisartut inatsisaat pillugu Namminersorlutik Oqartussat nalunaarutaat

Matumuuna Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersoq, Inatsisartut inatsisaanni nr. 27, 28. november 2019-imeersumi aamma Inatsisartut inatsisaanni nr. 30, 13. juni 2023-imeersumi allannguutitalinni nalunaarutigineqarpoq.

Kapitali 1

Siunertaq aamma atuuuffigisaa

§ 1. Inatsisartut inatsisaanni matumani inuiaqatigiinni meeqqat pisinnaatitaaffisa soqutigisaasalu iluaquuserneqarnissaat siunertaavoq.

Imm. 2. Inatsisartut inatsisaanni tunngavigineqarpoq Meeqqat Pisinnaatitaaffi pillugit Naalagaaffit Peqatigiit Isumaqatigiissataat.

§ 2. Inatsisartut inatsisaat meeqqanut 18-it inorlugit ukiulinnut, Kalaallit Nunaanni najugaqartunut atuuppoq.

Imm. 2. Aammattaaq Inatsisartut inatsisaat meeqqanik inuusuttunillu ikorsiisarneq pillugu inatsit naapertorlugu inunnut Kalaallit Nunaanni najugaqavissunut aamma suliniuteqareernermi malinnaaffigineqartunut atuuppoq.

Kapitali 2

Meeqqat pisinnaatitaaffinik sullissivimmik pilersitsineq

§ 3. Naalakkersuisut meeqqat pisinnaatitaaffi pillugit suliffeqarfimmik pilersitsissapput, inuttaralugit Meeqqat illersuisuat, Meeqqat pillugit Siunnersuisoqatigiit aammalu allattoqarfik.

Imm. 2. Meeqqat pisinnaatitaaffi pillugit suliffeqarfik Namminersorlutik Oqartussat ataanni politikkimut attuumassuteqanngitsumik suliffeqarfiusaaq. Suliffeqarfik Meeqqat illersuisuannit aqunneqassaaq.

Meeqqat illersuisuat

§ 4. Meeqqat illersuisuat Naalakkersuisunit toqqarneqassaaq. Meeqqat illersuisuat Meeqqat pillugit Siunnersuisoqatigiinni siulittaasuussaaq.

Imm. 2. Meeqqat illersuisuat ukiunut sisamanut toqcarneqartassaaq. Toqqaqqinnejarsinnaavoq.

Imm. 3. Meeqqat illersuisuat piffissami toqqaanermi Naalakkersuisunit tunuartinneqarsinnaavoq, tamatumunnga pissutaasinnaasoq ataaseq arlallilluunniit kinguliini taaneqartut naammassineqarsimappata:

- 1) Inatsisartut inatsisaat manna malillugu Meeqqat illersuisuata suliassaasa suliarineqarnerat Meeqqat illersuisuannit annertuumik sumiginnarnejarsimappata.
- 2) Meeqqat illersuisuat iliuuseqarsimappat Meeqqat illersuisuata Inatsisartut inatsisaannut tunngatillugu suliassaasa Meeqqat illersuisuannit isumannaatsumik suliarineqarnissaannik nalorninartitsilernik.
- 3) Meeqqat illersuisuat soraartussatut Meeqqat pillugit Siunnersuisoqatigiit ilaasortaannit ikinnerpaamik tallimanit innersuussutigineqartassaaq aammalu Meeqqat illersuisuata soraarnissaanut Naalakkersuisunit pissutsinik sukumiisumik misissusoqareerneritigut. Innersuussineq allakkatiguussaaq tunngavilersugaallunilu.

Meeqqat pillugit Siunnersuisoqatigiit

§ 5. Naalakkersuisut Meeqqat pillugit Siunnersuisoqatigiit pilersissavaat. Meeqqat pillugit Siunnersuisoqatigiit suliatigut assigiinngitsunit katitigaapput. Ilaasortat tamarmiullutik suliassaqarfittilaatigut uku pillugit annertuumik ilisimasaqassapput:

- 1) meeqqat peroriartorneri ineriantornerilu,
- 2) meeqqat atuarnerat,
- 3) meeqqat kulturikkut sunngiffimmilu inuunerat,
- 4) meeqqat peqqissuunerat,
- 5) meeqqat inatsisitigut inissisimancerat, aamma
- 6) meeqqat immikkut pisariaqartitsisut.

Imm. 2. Meeqqat pillugit siunnersuisoqatigiit 7-inik ilaasortaqassapput. Taakkunannga Naalakkersuisut ilaasortat 6-it toqqassavaat, §5, imm. 1, 3 aamma 4 aamma § 6, kiisalu Meeqqat illersuisuat toqqassallugu, tak. § 4.

Imm. 3. Ilaasortat piffissamut ukiunut sisamanut toqcarneqartassapput, taamaalilluni ilaasortat nutaat pingasut ukiut marlukkaarlugit toqcarneqartassallutik. Ilaasortat nutaat toqcarneqarnissaata tungaanut ilaasortaareersut atuutissapput. Ataasiarluni toqqagaqqitqarsinnaavoq.

Imm. 4. Ilaasortat toqcarneqarsimasut akornanni tunuartoqartillugu, kingullermik qinigassatut inassutigineqarsimasut akornanni ilaasortassamik nutaamik Naalakkersuisut toqqaassapput.

§ 6. Kattuffinnit, peqatigiiffinnit il.il. meeqqat atugaannik suliaqartunit inassuteqartoqarneratigut Meeqqat pillugit Siunnersuisoqatigiinnut qinigassanngortitanik pingasunik Naalakkersuisut toqqaassapput.

Imm. 2. Pisortatigut oqartussanit aamma pisortat namminersortullu meeqqanut paaqqinnittarfiannit inassuteqartoqarneratigut Meeqqat pillugit Siunnersuisoqatigiinnut qinigassanngortitanik pingasunik Naalakkersuisut toqqaassapput.

Imm. 3. Qinigassanngortitatut inassutigineqartut § 5, imm. 1-mi taaneqartuni piginnaasaqarfiusut arlaanni ataatsimi arlalinniluunniit ilisimasaqarlularlutillu suliatigut piginnaasaqassapput.

Imm. 4. Meeqqat pillugit Siunnersuisoqatigiinnut qinigassanngortitsinissamut inassuteqarnissaq pillugu maleruagassanik erseqqinnerusunik, aamma Meeqqat pillugit Siunnersuisoqatigiinnut qinigassanngortitanik toqqaanissamut piumasaqaatinik erseqqinnerusunik Naalakkersuisut aalajangersaasinnaapput.

Imm. 5. Kattuffit, peqatigiiffit il.il. sorliit kiisalu pisortatigut oqartussat aamma pisortat namminersortullu suliffiataat sorliit siunnersuisoqatigiinnut qinigassanngortitsisinnaanersut Naalakkersuisunit aalajangiiffiqeqassaaq.

§ 7. Meeqqat pillugit Siunnersuisoqatigiinnut ilaasortaq piffissami toqqaanermi Naalakkersuisunit tunuartinneqarsinnaavoq, tamatumunga pissutaasinnaasoq ataaseq arlallilluunniit kinguliini taaneqartut naammassineqarsimappata:

- 1) Inatsisartut inatsisaat manna malillugu Meeqqat pillugit Siunnersuisoqatigiinnut ilaasortap suliassani annertuumik sumiginnarsimappagit.
- 2) Meeqqat pillugit Siunnersuisoqatigiinnut ilaasortaq iliuuseqarsimappat ilaasortap Inatsisartut inatsisaannut tunngatillugu suliassaminik isumannaatsumik suliarinnissinnaaneranik nalorninartitsilersumik.
- 3) Meeqqat pillugit Siunnersuisoqatigiinnut ilaasortaq soraartussatut Meeqqat pillugit Siunnersuisoqatigiinnut ilaasortaannit arfinilinnit innersuussutigineqartassaaq aammalu Meeqqat pillugit Siunnersuisoqatigiinnut ilaasortap soraarnissaanut Naalakkersuisunit pissutsnik sukumiisumik misissuisoqareerneritigut. Innersuussineq allakkatiguussaaq tunngavilersugaallunilu.

Meeqqat illersuisuata suliassai

§ 8. Meeqqat illersuisuata Meeqqat pillugit Siunnersuisoqatigiit siunnersuisoralugit meeqqat nalinginnarmik inuttullu pisinnaatitaaffisa soqutigisaasalu iluaqusemnissaat suliarissavai kiisalu inuiaqatigiinni meeqqat atugaat pillugit isiginninniarlunilu paassisutissiisassaaq.

Imm. 2. Pingartumik Meeqqat illersuisuat:

- 1) Meeqqat pisinnaatitaaffi naammagittaalliuuteqarsinnaanerilu pillugit meeqqanut siunnersuillunilu ilitsersuisassaaq.
- 2) Meeqqat atugaat aamma meeqqat pisinnaatitaaffi naammagittaalliuuteqarsinnaanerilu pillugit apeqqutinut tunngassuteqartunik, pisortatigut oqartussanut, pisortat namminersortullu suliffiinut kiisalu kattuffinnut peqatigiiffinnullu il.il. siunnersuillunilu ilitsersuisassaaq.
- 3) Meeqqat Pisinnaatitaaffi pillugit Naalagaaffit Peqatigiit Isumaqtigiissutaannut tunngatillugu Kalaallit Nunaata inatsisitigut atuutsitsinikkullu pisussaaffi naapertuunnersut misissortassavai.
- 4) Meeqqat Pisinnaatitaaffi pillugit Naalagaaffit Peqatigiit Isumaqtigiissutaanni aalajangersakkani siunertat aallaavigalugit meeqqat Kalaallit Nunaanni inuuneranni pissutsit nalilsortassavai.
- 5) Meeqqat pillugit paassisutissat ingerlateqqittassavai, apeqqutit saqqumilaartut oqallisigisassanngortittarlugit, tamanut ammasumik oqallinnermi meeqqat illersortarlugit kiisalu oqallinnermi meeqqat peqataanissaannut periarfissat pitsaanerulersinnissaat sulissutigalugit inuiaqatigiinnilu ineriartornermut sunniuteqarluni.
- 6) Meeqqat inatsisitigut inissismaffiinut nukittorsaataasinnaasunik suliniutissanik siunnersuuteqartassaaq, aamma meeqqat inuiaqatigiillu akornanni aporaaffiusunik

aaqqiissuteqarnissamut imaluunniit pitsaliuinissamut suliniutissanik siunnersuuteqartassalluni.

Imm. 3. AammattaaqMeeqqat illersuisuat meeqqanut atugassarititaasut ineriertorteqqinne- qarnerannut tunngatillugu ilisimasanik katersissaq ingerlatitseqqittassallunilu, assersutigalugu ilaqtariinnermut tunngasut, isumaginninnermut, peqqissutsimut, atuarnermut- ineqarnermullu tunngasut. Taamatut aamma Meeqqat illersuisuat:

- 1) Meeqqanut atugassarititaasut pillugit misissuisimanernut, nalunaarusiorernut, ilisimatusarnikkut angusanut, naliliineq pillugu nalunaarusianut, kisitsositigut paasissutissanut, misileraanermi inernernut il.il. paasissutissanik piviusunik pioreersunik katersineq aaqqissusseqqissaarnerlu isumagissavaa.
- 2) Meeqqanut atugassarititaasut pillugit paasissutissanik malinnaasitsisumik aaqqissuussaq aammaluu meeqqanut atugassarititaasut pillugit ilisimasanik nutaanik ineriertortitseqqinneq.
- 3) Meeqqanut atugassarititaasut pillugit ilisimasanik tamanut ingerlatitseqqinneq, ilanngullugit makkununnga ilinniagaqartunut, ilisimatusartunut, suliamik ingerlatalinnut, politikerinut aammaluu soqutiginnittunut allanut.

Imm. 4. Meeqqat illersuisuata sulineranut meeqqat akuliutsinneqassapput aamma § 8, imm. 2, nr. 1-6 tunngavigalugit suliniutit pillugit meeqqat sapinngisaq naapertorlugu tusarniarneqartassapput.

§ 9. Meeqqat atugaannut aamma meeqqat pisinnaatitaaffinut pingaaruteqartunik inatsisitigut suliniutinut allatigullu suliniutinut atatillugu Meeqqat illersuisuat tusarniarneqartassaaq.

§ 10. Apeqqutini nalinginnaasuni tamani meeqqat atugaannut pingaaruteqartuni lnatsisartut, Naalakkersuisut pisortatigullu oqartussat allat Meeqqat illersuisuannut isumasiuisinnaapput.

Meeqqat illersuisuata piginnaatitaaffi

§ 11. Pissutsit Meeqqat illersuisuata suliaqarfiinut attuumassuteqartut pillugit Meeqqat illersuisuat killilersorneqarnani oqaaseqarsinnaatitaavoq, taamaattorli tak. § 19. Oqaaseqaatit kimut sammitinneqassanersut Meeqqat illersuisuata nammineq aalajangertassavaa.

Imm. 2. Meeqqat illersuisuat namminerisaminik imaluunniit allat saaffiginnissuteqarnerisigut sulianik misissuisinnaallunilu qaqtisinsinnaavoq. Meeqqat tamatigut sallerpaatinneqassapput. Meeqqat illersuisuata pissutsit meeqqanut ataasiakkaanut tunngassuteqartut pinnagit, pissutsit meeqqanut nalinginnaasumik tunngassuteqartut kisiisa oqaaseqarfigisinnavaai.

Imm. 3. Pisup suliarineqarnissaanut naammattumik pissutissaqarnersoq Meeqqat illersuisuata nammineq aalajangissavaa.

Imm. 4. Meeqqat illersuisuat taamaallaat oqaaseqaateqarsinnaatitaavoq. Meeqqat illersuisuat aalajangiisinnaatitaanngilaq.

§ 12. Pisortat namminersortullu meeqqanut paaqqinnitarfiinut aamma meeqqat pillugit peqatigiiffinnut kattuffinnullu il.il. tamanut Meeqqat illersuisuat kinaassutsimut uppernarsaatip takutinneratigut aammalu eqqartuussivimmik aalajangiiffigineqaqqaanngikkaluarluni killilersorneqarnani isersinnaatitaavoq.

Imm. 2. Pisortatigut oqartussat kiisalu pisortat namminersortullu meeqqanik paaqqinnitarfiutaat aamma peqatigiiffit kattuffillu meeqqat atugaat pillugit suliaqartut nipangiussisimasussaatitaagaluarlutik inatsit manna naapertorlugu Meeqqat illersuisuata sulianik suliarinninnissaanut pisariaqartinnejartunik

paasissutissanik Meeqcat illersuisuannut ingerlatitseqqittussaapput, tassa ingerlateqqitaq inatsimmut allamut akerliunngippat.

Imm. 3. Pisortatigut oqartussat suliffeqarfiillu imm. 2-mi taaneqartut saniatigut allat nipangiussisimasussaatitaagaluarlutik Meeqcat illersuisuata § 8, imm. 2, nr. 3 naapertorlugu sulianik suliarinninnissaanut pisariaqartinneqartunik paasissutissanik Meeqcat illersuisuannut ingerlatitseqqittussaapput.

Imm. 4. Pisortatigut oqartussat aamma pisortat namminersortullu meeqqanik paaqqinnittarfiutaat kiisalu peqatigiiffit kattuffiillu meeqqat atugaat pillugit suliaqartut, § 8, imm. 2, nr. 1-6-mi taaneqartut iluanni suliat pillugit aalajangiinerit suliaqarfiillu nassuaateqarfagissagaat Meeqcat illersuisuata noqqaassutigisinnaavaa.

§ 13. Meeqcat illersuisuata allattoqarfimmi suleqataasut ilaata Meeqcat illersuisuata suliaanik suliaqarallarnissaa aalajangersinnaavaa.

Meeqcat pillugit Siunnersuisoqatigiit suliassat

§ 14. Meeqcat pisinnaatitaaffiniik Sullissiviup suliassai inatsisitigut tunngavilikkat aallaavigalugit Meeqcat pisinnaatitaaffiniik Sullissiviup ukiumoortumik qitiutillugit suliassai suliniutissaalu Meeqcat pillugit Siunnersuisoqatigiit aalajangersartassavaat.

Imm. 2. Meeqcat pillugit suliaqarfimmi pilersaarutit ineriartortinnissaat, tassunga ilanngullugit pilersaarutit meeqqanut attaveqarnissamik oqaloqateqarnissamillu qulakkeerisut pillugit Meeqcat illersuisuata suliaqartarnerani Meeqcat pillugit Siunnersuisoqatigiit ikuuttassapput.

Imm. 3. Apeqqutini meeqqanut tunngassuteqartuni tamani Meeqcat illersuisuata siunnersuinerani ilitsersuineranilu Meeqcat pillugit Siunnersuisoqatigiit ikuuttassapput.

§ 15. Meeqcat pillugit Siunnersuisoqatigiit ukiumut minnerpaamik sisamarlarlutik ataatsimiittassapput.

Imm. 2. Aammattaaq ataatsimiittoqartassaaq, Meeqcat pillugit Siunnersuisoqatigiinni ilaasortat ikinnerpaamik pingasuusut Meeqcat illersuisuanut saaffiginnillutik ataatsimiinnissamik piumasaqarpata.

Imm. 3. Meeqcat pillugit Siunnersuisoqatigiinni siulittaasoq aamma ilaasortat allat ikinnerpaamik pingasut ataatsimiinnermi najuuppata Meeqcat pillugit Siunnersuisoqatigiit aalajangiisinnassuseqassapput.

Imm. 4. Meeqcat pillugit Siunnersuisoqatigiit suleriaasissartik nammineq aalajangersassavaat. Suleriaasissaq tamanut saqqummiunneqartassaaq.

§ 16. Pisortatigut oqartussanik, pisortat namminersortullu suliffiutaannik aamma kattuffinnik peqatigiiffinnillu inassuteqarsinnaatitaasunik, kiisalu meeqqanut tunngasutigut soqutigisaqaqatigiinnik allanik Meeqcat pillugit Siunnersuisoqatigiit ukiumoortumik ataatsimeeqateqartassapput.

Imm. 2. Meeqcat pillugit Siunnersuisoqatigiit ingerlatsinerat pillugu Meeqcat pillugit Siunnersuisoqatigiit ukiut tamaasa allaganganngorlugu nalunaarusiortassapput. Nalunaarusiaq tamanut saqqummiunneqartassaaq.

§ 17. Meeqqat illersuisuanut aamma Meeqqat pillugit Siunnersuisoqatigiinnut allattoqarfimmik pilersitsisoqassaaq.

Imm. 2. Allattoqarfiup suliassarai allaffissornikkut suliassat aammalu Meeqqanut illersuisoq Meeqqallu pillugit Siunnersuisoqatigiit sullittassallugit.

Imm. 3. Meeqqat illersuisuat allattoqarfimmik pisortamik atorfinitssisaaq. Allattoqarfimmik pisortap qullersaraa Meeqqanut illersuisoq.

Imm. 4. Allattoqarfimmik atorfillit atorfinitssinerni atugassarititaasuni aammalu suliffeqartitaanermi soraarnermilu pissutsinut tunngatillugu Kalaallit Nunaanni Namminersortut qitiusumik allattoqarfianni aalajangersakkat sukkulluunniit atuuttut ataaniippuit.

Imm. 5. Imm. 2 naapertorlugu immikkut ittumik suliassat isumagittinnissaannut suliamik paasisimasallit avataaneersut atorneqarsinnaapput.

Kapitali 3

Suliamik suliarinninnermi malittarisassat

§ 18. Pisortat ingerlatsiviini sulianik suliarinnitarneq pillugu Inatsisartut Inatsisaata toqqaannartumik Meeqqat illersuisuata sulianik ingerlatsinerani atorneqarsinnaanngiffiani, Inatsisartut Inatsisaanni, tassunga ilanggullugit ingerlatsivinni ingerlatsinerup inatsisitigut periutsit tunngavigisai, inatsisitigut aalajangersarneqarsimannngitsunut, taamatut atuutsinneqassapput.

Imm. 2. Meeqqat illersuisuata § 11, imm. 2 tunngavigalugu saaffiginnissutit Meeqqat illersuisuanik tiguneqarsimasut itigartitsissutigisinnaavai. Aamma Meeqqat illersuisuata suliat Meeqqat illersuisuannik ingerlanneqartut unitsillugit toqqorsinnavai. Meeqqat illersuisuata saaffiginnissutinik itigartitsinera aamma sulianik, nammieq piumassutsini naapertorlugu suliarilersimannngisaminik, unitsinsinera allakkatigut nalunaarutigineqartassaaq aammalu tunngavilersorneqartassalluni.

Imm. 3. Meeqqanik illersuisup saaffiginnissutinik itigartitsineri aammalu sulianik unitsinsinera Naalakersuisunut imaluunniit allaffissornikkut oqartussaasunut allanut maalaarutigineqarsinnanngilaq. Aamma tamanna atuuppoq Meeqqanik illersuisup oqaaseqataanut.

§ 19. Meeqqat illersuisuat, Meeqqat pillugit Siunnersuisoqatigiit aamma allattoqarfik nipangiussisussaatitaapput pisortani suliffeqarfinni sulineremi malittarisassat atuuttut najoqqutaralugit.

Kapitali 4

Aningaasalersuineq

§ 20. Meeqqat pisinnaatitaaffiinik Sullissivik aningaasalersorneqassaaq nunatta karsianit tapiissutit aqutigalugit.

Imm. 2. Taassuma saniatigut Meeqqat pisinnaatitaaffiinik Sullissivik sulinerminut atatillugu pisortatigut oqartussanit allanit imaluunniit kattuffinnit, peqatigiiffinnit, suliffeqarfinnit il.il. namminersortunit aningaasaliiffigineqarnissamik qinnuteqarsinnaavoq.

Imm. 3. Meeqqat pisinnaatitaaffiinik Sullissivik Meeqqat pisinnaatitaaffiinik Sullissivimmi suliassat inatsisitigut aalajangersakkat iluanni suliffeqarfimmik ingerlatsisinnaavoq aningaasatigut

isertitaqarnermik nassatalimmik.

§ 21. Meeqqat pillugit Siunnersuisoqatigiinnut ilaasortat aningaasarsiaqarput, angalanermi ullormusiaqarput aammalu angalanermi aningaasartuutinut matussusiiffigineqassallutik Inatsisartunut, Naalakkersuisunut, il.il. ilaasortanut aningaasarsianut il.il. Inatsisartut Inatsisaanni aalajangersakkat malillugit. Aningaasartuutit taakkua akilerneqassapput nunatta karsiata ukiumoortumik tapiissutaannik.

Aningaasatigut missingersuutit aamma naatsorsuutit

§ 22. Meeqqat illersuisuat ukiut tamaasaNaalakkersuisunut ukiumut aningaasarsiorfiusunut tulliuttumut aningaasatigut missingersuutissatut siunnersummik tunniussaqassaaq. Siunnersuusiaq imaqassaaq isertitassatut aningaasartuutissatullu ilimagisanik. Peqatigitillugu Meeqqat illersuisuata tunniutissavaa ukiumut aningaasarsiorfiusumut pineqartumut nunatta karsiata tapiissutaasa annertussusissaannut siunnersuut.

Imm. 2. Aningaasatigut missingersuummut siunnersuutip aammalu ukiumut aningaasarsiorfimmur tulliuttumut nunatta karsiata tapiissuteqarnissaata annertussusissaannut siunnersuutip tunniunneqarfissaannut Naalakkersuisut piffissaliissapput.

§ 23. Meeqqat pisinnaatitaaffiniik Sullissiviani ukiup naatsorsuuteqarfiup malippaa ukioq aningaasarsiorfusoq. Naatsorsuutit ukiumoortut kukkunersorneqassapput kukkunersiuismik naalagaaffimmit akuerisaasumik.

§ 24. Meeqqat illersuisuata, Naalakkersuisut piffissaliussaata iluani, saqqummiutissavai naatsorsuutit ukiumoortut kukkunersorneqarsimasut, kukkunersiusup oqaaseqaaataanik ilangussartallit, Naalakkersuisunut akuerisassanngortillugit.

Kapitali 5

Atortuulersitsineq ikaarsaariarnermilu aalajangersakkat

§ 25. Inatsisartut inatsisaat manna ulloq 1. marts 2012-mi atulersinneqassaaq.

Imm. 2. Peqatigisaanik Meeqqat Inuuusuttullu pillugit Ilisimasaqarfik pillugu Inatsisartut inatsisaat nr. 26, 18. december 2003-imeersoq atorunnaarsinneqarpooq.

Imm. 3. Meeqqat Inuuusuttullu suliassaat pillugit ilisimasanik katersivik ingerlaannassaaq, soorlu tamanna Meeqqat pisinnaatitaaffiniik Sullissiviup allattoqarfiani Meeqqat Inuuusuttullu Siulersuisui pillugit ilisimasanik katersivimmi aalajangerneqarsimasut, Meeqqat pisinnaatitaaffiniik Sullissiviup ukiumoortumik qitiutillugit sammisassai- aammalu suliniuteqarfissai Meeqqat pillugit Siunnersuisoqatigiinit aalajangerneqarnissaasa tungaanut, tak. § 14, imm. 1.

Inatsisartut inatsisaata nr 27, 28. November 2019-imersup (Meeqqat illersuisuata aamma Meeqqat pillugit Siunnersuisoqatigiit ilaasortaasa piffissamik toqqagaaffiannik allannguineq)^[i]
atuutsitsilernissamut aalajangersagaq una imaraa:

§ 2

Inatsisartut inatsisaat ulloq 1. januaari 2020-mi atuutilissaq. Meeqqat illersuisuata toqqagaaneranut imaluunniit toqqagaaqqinneranut aammalu Meeqqat pillugit Siunnersuisoqatigiinnut ilaasortamik toqqaanermut imaluunniit toqqagaaqqinnerannut § 1, nr. 1 aamma 3, Inatsisartut inatsisaata atuutilerfiata kingorna atuuttuulissaq, taamaattorli tak. imm. 2.

Imm. 2. Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni § 6, imm. 2 malillugu Meeqqat pillugit Siunnersuisoqatigiinnut ilaasortamik toqqaaneq siullermeersumik pissaaq, Inatsisartut inatsisaata atuutilernerata kingorna, toqqagaaneq taamaallaat ukiuni marlunni atuuffiusussaq.

Inatsisartut inatsisaata nr. 30, 13. juni 2023-imersup (Illersuisumut kalaallisut taaguutip oqaatsitigut iluarsiiffiginissaa)^[ii] atuutsitsilernissamut aalajangersaqaq una imaraa:

§ 6

Inatsisartut inatsisaata nalunaarutigineqareernerata aqaguani inatsit atortuulersinneqassaaq.

Meeqqanut, Inuuusuttunut Naalakkersuisoqarfik, ulloq 14. marts 2024

Heidi Lindholm (atsior.)
Naalakkersuisoqarfimmi Pisortaq

/ Kirsten Olesen-Nzulumike (atsior.)

[i] Inatsisip allanngortinnejnarera § 4, imm. 2-mut, § 4, imm. 3-mut, § 5, imm. 3-mut aamma § 7-imut tunngassuteqarpoq.

[ii] Inatsisip allanngortinnejnarera §§ 1-25-mut tunngassuteqarpoq.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut